


Vischnaunca da Medel/Lucmagn



**Constituziun communală
per la
vischnaunca da Medel/Lucmagn**

C u n t e g n

I. Determinaziuns generalas 5

Art. 1 Vischnaunca	5
Art. 2 Autonomia	5
Art. 3 Incumbensas	5
Art. 4 Lungatg ufficial	5
Art. 5 Equalitat dallas schlatteinas	5

II. Dretgs ed obligaziuns 6

Art. 6 Habilitad e dretg da votar	6
Art. 7 Eligibladad	6
Art. 8 Perioda d'uffeci	6
Art. 9 Obligaziun d'uffeci	6
Art. 10 Motivs d'exclusiun	6
Art. 11 Incumpatibladad d'uffeci	7
Art. 12 Recusaziun	7
Art. 13 Informaziun	7
Art. 14 Petiziun	7
Art. 15 Moziun	7
Art. 16 Iniziativa	7
Art. 17 Procedura	8
Art. 18 Referendum facultativ	8
Art. 19 Procedura	8
Art. 20 Reponderaziun	8
Art. 21 Dretg da recuors	9
Art. 22 Protocol	9
Art. 23 Envesta els protocols	9
Art. 24 Responsabladad e discreziun	9

III. Organisaziun communal 10

Art. 25 Organs communals	10
Art. 26 Autoritad suprema	10

1. La cuminanza dils votants (votaziun all'urna) 10

Art. 27 Cumpetenzas electoralas	10
Art. 28 Cumpetenza da decider	10
Art. 29 Procedura	11

2. La radunanza communal 11

Art. 30 Cumpetenzas da decider	11
Art. 31 Clamar radunanza communal	11
Art. 32 Cumpetenza da concluder	11

3. La suprastonza communal	12
Art. 33 Cumposiziun e convocaziun	12
Art. 34 Cumpetenza da decider	12
Art. 35 Cumpetenzas en general	12
Art. 36 Cumpetenzas particularas	12
Art. 37 Cumpetenzas electoralas	13
Art. 38 Cumpetenzas finanzialas	13
Art. 39 Repartizion dils departaments	13
Art. 40 Tractazion dallas fatschentas	14
Art. 41 Il president communal	14
4. La cumissiun da quen e gestiun	14
Art. 42 Cumposiziun e cumpetenza da decider	14
Art. 43 Incumbensas	14
Art. 44 Rapport da quen e gestiun	15
5. L'instanza da baghegiar	15
Art. 45 Survigilonza	15
Art. 46 Cumposiziun e cumpetenza da decider	15
Art. 47 Funcziun ed incumbensa	15
IV. Partiziuns administrativas	16
A. Administraziun communal	16
Art. 48 Incumbensa	16
Art. 49 Canzlist communal	16
B. Scolaziun	16
Art. 50 Scolaziun e formaziun	16
C. Segirtad publica	16
Art. 51 Polizia e cumissiun da fiug	16
Art. 52 Survetsch da lavinas	17
D. Sanitad	17
Art. 53 Tgira e dimora pils attempai	17
E. Beinstar social	17
Art. 54 Cumissiun sociala	17
F. Stradalesser	17
Art. 55 Survigilonza	17
G. Economia	17
Art. 56 Agricultura	17
Art. 57 Forestaless	17

V. Finanzas e taglia	18
Art. 58 Facultad communal	18
Art. 59 Taglias	18
Art. 60 Taxas da hospes e turissem	18
Art. 61 Contribuziuns da preferenza	18
Art. 62 Taxas	18
VI. Corporaziun dil dretg public	19
Art. 63 Enteifer la vischnaunca	19
Art. 64 Survigilonza	19
Art. 65 Gudiment	19
VII. Ovra electrica	20
Art. 66 Ovra electrica Medel	20
VIII. Determinaziuns finalas	21
Art. 67 Revisiun	21
Art. 68 Novas elecziuns	21
Art. 69 Abrogaziun	21
Art. 70 Approbaziun e vigur	21

I. Determinaziuns generalas

Art. 1 Vischnaunca

Il territori dalla vischnaunca da Medel fuorma cun sia populaziun ina vischnaunca politica dil cantun Grischun. Ella secumpona dils suandonts 6 vischinadis:

1. Curaglia/Soliva
2. Mutschnengia
3. Drual/Matergia
4. Platta/Baselgia
5. Pardé
6. Fuorns

Art. 2 Autonomia

La vischnaunca ha il dretg d'administrar sesezza enteifer la legislaziun dalla Confederaziun e dil Cantun. Ella exercitescha enteifer ils cunfins da sias cumpetenzas il domini sur tut las persunas e caussas che sesanflan sin siu territori.

Art. 3 Incumbensas

La vischnaunca ademplescha ses agens pensums publics e quels che vegnan adossai ad ella entras il stadi. Ella promova enteifer sias cumpetenzas e pusseivladads il svilup economic, ecologic, cultural e social sco era il beinstar general.

Art. 4 Lungatg ufficial

Il lungatg ufficial dalla vischnaunca ei il romontsch sursilvan.

Art. 5 Equalitat dallas schlatteinas

Las indicaziuns davart persunas, funcziuns e professiuns en quella constituziun serefereschan ad omisduas schlatteinas.

II. Dretgs ed obligaziuns

Art. 6 Habilitad e dretg da votar

¹ Habels da votar ein tuttas persunas maiorenas e ch'ein buca ugadadas muort malsogna ni fleivlezia da spért.

² Dretg da votar en fatgs communals han burgheis svizzers ch'ein habels da votar e ch'ein domiciliai en vischnaunca.

³ Dretg da votar en fatgs communals han medemamein persunas digl exteriur culla habilitad da votar, che possedan la lubientscha da domicil e che vivan il minimum duront 10 onns senza interrupziun en vischnaunca.

Art. 7 Eligibladad

Scadina persuna cul dretg da votar ei elegiba en uffecis communals, sch'ella ei buca privada da quei dretg entras sentenzia penala.

Art. 8 Perioda d'uffeci

La perioda d'uffeci cuoza mintgamai 3 onns. Il surdar ed il supreender ils uffecis e las funcziuns per ina perioda succeda mintgamai igl 1. da fenadur. Gi'ufficial partent ei responsabels ch'igl uffeci vegni surdaus a siu successur a moda regulara.

Art. 9 Obligaziun d'uffeci

Ei exista negin sforz d'uffeci.

Art. 10 Motivs d'exclusiun

¹ Parents e quinai en lingia directa, consorts, fargliuns e persunas che vivan en in partenadi registrau ni che meinan facticamein ina communitad da veta astgan buca appartener il medem mument alla medema autoritat ni cumissiun.

² Quels motivs d'exclusiun valan era denter commembers dalla suprastanza communa e dalla cumissiun da quen e gestiun.

³ Vegnan pliras persunas eligidas, ch'astgan buca appartener alla medema autoritat, decida il pli dallas vuschs davart l'exclusiun. Tier il medem diember da vuschs decida la sort.

⁴ L'elecziun ei nunvaleivla sch'ina persuna nunelegibla (p.ex. incumpatibladad d'uffeci) vegn eligida e l'autra persuna en uffeci sto buca vegnir reeligida.

Art. 11 Incumplibladad d'uffeci

¹ Emploiai da vischnaunca astgan buca appartener a lur autoritat direct superiura. Els san veginr envidai sco cuseggiaders allas tractaziuns.

² Suprastonts ed emploiai dall'administraziun communal ein buca eligibels ella cumissiun da quen e gestiun.

Art. 12 Recusaziun

Commembers d'ina autoritat communal ni cumissiun communal ston s'absentar tier tractaziuns sur fatgs che pertuccan lur agens interess personals e quels da lur parents ni da lur quinonza tenor art. 10.

Art. 13 Informaziun

A caschun d'ina radunanza da vischnaunca sa scadina persuna cul dretg da votar pretender dalla suprastonza communal in'orientaziun davart fatschentas pendentes u arisguard la deliberaziun da talas, aschilunsch che quellas ein buca suttamessas al secret d'uffeci. L'orientaziun duei succeder sil pli tard alla proxima radunanza da vischnaunca.

Art. 14 Petiziun

Scadina persuna sesenta en vischnaunca ha il dretg d'inoltrar als organs communals en scret propostas, giavischs e reclamaziuns cun aschuntar la motivaziun necessaria. L'instanza cumpetenta ha da tractar talas petiziuns sil pli tard enteifer 3 meins dil mument ch'ellas vegin deponidas. En cass urgents ha ella da prender posiziun senza retard.

Art. 15 Moziun

Mintga votant ha il dretg da far a caschun d'ina radunanza communal propostas che pertuccan buca la giesta da tractandas. Vegin ina tala acceptada, ha la suprastonza da presentar rapport e proposta a caschun dalla proxima radunanza da vischnaunca.

Art. 16 Iniziativa

¹ 40 persunas cul dretg da votar en vischnaunca san far propostas en scret e pretender chiei vegin votau surlunder. Excepidas da quei dretg ein decisiuns ch'autoritads communalas han priu sin fundament da lur cumpetenza ni fatgs che reglan relaziuns denter la vischnaunca e tiarzas persunas.

² L'iniziativa sa veginr inoltrada en fuorma d'ina proposta generala ni d'in sboz formulau. Ella ei d'inoltrar cullas suttascripcziuns all'administraziun communal.

³ L'iniziativa sa vegrir retratga dils emprems 3 che han suttascret ella entochen tier la proclamaziun dalla votaziun, sche l'iniziativa fixescha buca quei auter.

⁴ Iniziativas cun in cuntegn illegal ein buca admissiblas e vegrir buca suttamessas alla votaziun dil pievel.

Art. 17 Procedura

¹ In'iniziativa valeivla sto vegrir tractada sil pli tard enteifer 6 meins suenter ch'ella ei vegrira inoltrada. Schai la proposta ella cumpetenza dalla suprastonza communal e corrispunda lezza ad ella vegrir l'iniziativa buca tractada sin radunanza communal.

² Croda ella denton ella cumpetenza dil pievel ni corrispunda la suprastonza communal buca al giavisch, sto l'iniziativa cun in pareri ed eventualmein cun ina counterproposta vegrir suttamessa alla radunanza communal.

³ Schai ina counterproposta avon maun vegrir ei decidiu gl'emprem denter quella e la proposta d'iniziativa. Silsuenter decida la radunanza communal entrais ina votaziun definitiva davart l'approbaziun ni refusaziun dalla proposta resultada ord l'emprema votaziun.

Art. 18 Referendum facultativ

Sin proposta da silmeins 40 votants ein ils suandonts fatgs dalla radunanza communal da suttametter alla votaziun dil pievel:

- a) Conclus davart novas expensas unicas egl importo da varga fr. 200'000.— per la medema caussa e da varga fr. 100'000.— sch'ei retracta d'expensas che serepetan onn per onn.
- b) Conclus davart credits supplementars, aschilunsch ch'els survargan sil pli pauc fr. 100'000.—.

Art. 19 Procedura

¹ Conclus dalla radunanza communal suttamess al referendum facultativ ein immediat da far enconuschents els loghens ufficials. Els passan en vigur pér cu il termin da tschaffar referendum ei spiraus.

² Il referendum facultativ sto vegrir inoltraus enteifer 20 dis dapi la publicaziun ufficiala. Il referendum sa buca vegrir retratgs.

³ La votaziun all'urna duei per regla haver liug enteifer 3 meins suenter ch'il termin dil referendum ei spiraus.

Art. 20 Reponderaziun

In conclus dalla radunanza communal ni dalla votaziun all'urna sa da tut temps vegrir

presentaus agl organ cumpetent per reponderaziun. Resalvai ein ils dretgs da tiarzas persunas. Eis ei buca vargau in onn dapi ch'in conclus ei ius en vigur, sa vegnir reponderau mo lu, sche quei vegn concludiu cun ina maioritad da duas tiarzas dallas vuschs valeivlas.

Art. 21 Dretg da recuors

Il dretg da recuors encunter conclus e decisiuns d'organs communals sedrezza tenor la legislaziun cantunala.

Art. 22 Protocol

Per la radunanza communală, per la suprastonza e per mintga ulteriura autoritat e cumissiun communală sto vegnir menau protocols che dattan sclariment silmeins davart ils conclus ed ils resultats dallas elecziuns. Els ein da suttascriver entras il protocollist e suenter l'approbaziun entras il parsura.

Art. 23 Envesta els protocols

¹ Ils protocols dallas radunonzas communalas publicas stattan a disposiziun a mintgin per envesta. Opposiziuns enviers il protocol ein d'inoltrar a secret alla suprastonza communală enteifer il termin d'exposiziun da 30 dis.

² L'envesta els protocols dalla suprastonza e dallas ulteriuras autoritads e cumissiuns communalas vegn lubida mo lu, sch'eis sa vegnir fatg valer interess giustificai.

³ Al dretg sin envesta sa era vegnir satisfatg cun remetter in extract dil protocol.

Art. 24 Responsabludad e discreziun

¹ Ils commembers dallas autoritads communalas ed ils emploiai da vischnaunca ein responsabels pil donn ch'eis caschunan enten exequir lur funcziuns ufficialas alla vischnaunca ni a tiarzas persunas e quei conform alla lescha cantunala davart la responsabludad.

² Ils commembers d'autoritads e cumissiuns sco era ils emploiai e funcziunaris communals ein obligai d'esser discrets en tuttas fatschentas d'uffeci.

III. Organisaziun communal

Art. 25 Organs communals

Organs communals ein:

1. la cuminonza dils votants,
2. la radunanza communal,
3. la suprastanza communal,
4. la cumissiun da quen e gestiun,
5. l'instanza da bagheggiar.

Art. 26 Autoritat suprema

L'autoritat suprema ei la cuminonza dallas persunas cun dretg da votar en vischnaunca. Ella exercitescha ses dretgs alla radunanza communal ni all'urna.

1. La cuminonza dils votants (votaziun all'urna)

Art. 27 Cumpetenzas electoralas

All'urna vegnan eligi:

- a) il president communal,
- b) ils geraus ed il suppleant,
- c) ils commembers dalla cumissiun da quen e gestiun,
- d) ils commembers ed il suppleant dall'instanza da bagheggiar.

Art. 28 Cumpetenza da decider

La cuminonza dils votants decida definitivamein davart:

- a) l'approbaziun e la revisiun dalla constituziun communal,
- b) conclus davart la fusiun cun autres vischnauncas,
- c) conclus davart novas expensas unicas sur fr. 1'000'000.— sco era d'expensas annualas regularas sur fr. 200'000.—,
- d) l'autorisaziun per la cumpra, vendita, scumiada da maun, impegnaziun da schischom e concessiun da terren en dretg da bagheggiar dalla vischnaunca ella valeta che survarga tenor contract fr. 500'000.—,
- e) la concessiun per l'explotaziun da forzas d'aua, la decisiun pertucccont la scadenza da concessiuns per l'explotaziun da forzas d'aua tenor il dretg dallas auas dil cantun Grischun DC 810.100 ed ulteriurs dretgs d'utilisaziun da pli gronda muntada,
- f) la concessiun per l'explotaziun d'aur, aschilunsch che la valeta supponida ni tenor contract survarga fr. 500'000.—.

Art. 29 Procedura

Las votaziuns ed elecziuns all'urna veggan regladas en ina lescha.

2. La radunanza communală

Art. 30 Cumpetenzas da decider

La radunanza communală decida definitivamein davart:

- a) relaschada e midada da leschas,
- b) l'approbaziun dil preventiv, dil quen annual e dil rapport da gestiun,
- c) fixar il pei da taglia,
- d) l'autorisaziun per la cumpra, vendita, scumiada da maun, impegnaziun da schischom e concessiun da terren en dretg da bagheggiar dalla vischunaunca entothen ina valeta tenor contract da fr. 500'000.— cun resalva dallas cumpetenzas dalla suprastonza communală tenor art. 37 lit. 3,
- e) la participaziun a corporaziuns ed uniuns d'interess dil dretg public,
- f) conclus davart novas expensas unicas sur fr. 70'000.— entothen fr. 1'000'000.— sco era expensas regularas sur fr. 20'000.— entothen fr. 200'000.— cun resalva dil referendum facultativ tenor art. 17 lit. a dalla constituziun communală,
- g) conclus davart credits supplementars, aschilunsch ch'els survargan sil pli pauc fr. 25'000.— cun resalva dil referendum facultativ tenor art. 17 lit. b dalla constituziun communală.

Art. 31 Clamar radunanza communală

¹ La radunanza communală vegg clamada dalla suprastonza aschi savens che quei ei necessari. Sin instanza dalla cumissiun da quen e gestiun u da 30 persunas cun il dretg da votar ei la suprastonza obligada da convocar radunanzas extraordinarias. Quellas ein da clamar sil pli tard enteifer 3 meins naven dil di che l'instanza vegg surdada alla suprastonza communală. Sch'ei semuossa il basegns sa era la suprastonza communală clamar radunanzas extraordinarias. Las tractandas ston veggir publicadas sil pli tard 10 dis avon la radunanza egl organ official.

² Las radunanzas communalas veggan tenidas per regla alternont a Platta e Curaglia.

³ Ei astga veggir votau sulettamein sur da tractandas ch'ein stadas publicadas e ch'ein veggidas predeliberadas dalla suprastonza communală.

⁴ La radunanza da vischunaunca ei publica.

Art. 32 Cumpetenza da concluder

Scadina radunanza da vischunaunca convocada en uorden ei cumpetenta da concluder.

3. La suprastonza communal

Art. 33 Cumposiziun e convocaziun

¹ La suprastonza communal secumpona dil president communal, da 2 geraus e d'in suppleant. Il suppleant fa part allas sedutas tier l'absenza d'in commember da suprastonza ni el cass da recusaziun.

² Ella vegn convocada dil president communal aschi savens sco las fatschentas pretendan.

³ Sin giavisch da 2 commembers dalla suprastonza ei il president obligaus da convocar ina sesida extraordinaria.

Art. 34 Cumpetenza da decider

¹ La suprastonza communalia ei cumpetenta da decider sch'ella ei completa.

² Per tut las decisiuns vala il pli absolut.

³ Mintga commember da suprastonza ei obligaus da votar.

Art. 35 Cumpetenzas en general

¹ La suprastonza communalia ei autoritat administrativa e poliziala dalla vischnaunca.

² Ad ella cumpetan tut las cumpetenzas ch'ein buca delegadas ad in auter organ tenor dretg federal ni cantunal ni tenor constituziun, leschas ed ordinaziuns communalas.

³ Ella representa la vischnaunca enviers tiarzas persunas ed avon dertgira. Leutier cumpeta al president ensemen cugl actuar ni cun in ulteriur commember dalla suprastonza la suttascripziun legalmein valeivla.

Art. 36 Cumpetenzas particularas

¹ Alla suprastonza communalia cumpetan particularmein:

- a) l'execuziun dil dretg federal, dil dretg cantunal, dil dretg communal sco era dils conclus dils organs communals,
- b) la relaschada e midada d'ordinaziuns senza vigur generala,
- c) la preparaziun da tut las fatschentas, cumpriu il quen annual ed il preventiv, per mauns dalla radunanza communalia ni dalla votaziun all'urna,
- d) la direcziun dall'entira administraziun communalia,
- e) l'administraziun dalla facultad communalia,
- f) la stipulaziun da contracts che crodan ella cumpetenza dalla suprastonza,
- g) l'execuziun dalla pussonza poliziala appartenenta alla vischnaunca sco era l'execuziun dalla cumpetenza penala ella procedura administrativa,

- h) il menar process e la stipulaziun d'entelgentschas e contracts da pacificaziun,
- i) l'approbaziun da projects da construcziun e la surdada da lavurs e furniziuns,
- j) l'organisaziun da votaziuns ed elecziuns,
- k) la concessiun da gudidas da caussas en diever public, aschilunsch che la cumionza dils votants ei buca cumpetenta.

² La suprastonza communal decida davart crear e reducir pazzas en uffeci cumplein.

Art. 37 Cumpetenzas electoralas

¹ La suprastonza communal elegia ils delegai dallas colligaziuns intercommunalas e regionalas da vischnauncas tenor la lescha cantunala da vischnauncas.

² Plinavon cumpeta alla suprastonza communal suandonta elecziun:

- a) il vicepresident communal,
- b) il persunal communal en pensum cumplein e parzial,
- c) ils commembers dallas cumissiuns permanentas previdas tenor dretg communal sco era ils representants dalla vischnaunca en corporaziuns da vischnauncas da dretg public ni dretg privat, dils quals l'elecziun cumpeta tenor constituziun ni ordinaziuns buc ad in'autra autoritad,
- d) ils commembers da cumissiuns preparatorias e l'elecziun d'experts e cussegliaders per incaricas specialas, dils quals l'elecziun cumpeta tenor constituziun ni ordinaziuns buc ad in'autra autoritad,
- e) il biro electoral,
- f) ils ulteriurs ufficials communals, aschilunsch che l'elecziun ei buca surschada expressivamein ad in'autra autoritad communal ni cantunala.

Art. 38 Cumpetenzas finanzialas

¹ La suprastonza communal decida en atgna cumpetenza davart expensas unicas entochen fr. 70'000.— e davart expensas annualas regularas entochen fr. 20'000.— ch'ein buca previdas el preventiv.

² Ella conceda credits supplementars ell'altezia entochen gl'importo da fr. 25'000.—.

³ Ad ella ein puttameess la cumpra, vendita, scumiada da maun, impegnaziun da schischom e concessiun da terren en dretg da baghegiar dalla vischnaunca, aschinavon che la valeta tenor contract survarga buca fr. 20'000.— e la surfatscha dil terren buca 2'000 m².

Art. 39 Repartiziun dils departaments

¹ La suprastonza communal reparta ils singuls departaments en atgna cumpetenza e regla la substituziun.

² Ils roms dall'administraziun vegnan circumsrets en in'ordinaziun da fatschenta.

Art. 40 Tractaziun dallas fatschentas

¹ Scadin commember da suprastonza ei cau dil departament adossaus ad el. En quella funcziun survigilescha el tuttas fatschentas da siu departament. El rapporta alla suprastonza sco autoritat collegiala e fa las necessarias propostas.

² La suprastonza sa en cass specials delegar cumpetenzas ad in u l'auter cau dil departament cun pretender rapport davart la deliberaziun dil mandat surdau.

Art. 41 Il president communal

¹ Il president communal representa la vischnaunca. El survigilescha l'administraziun dils caus da departament, dall'administraziun communală e dils ulteriurs roms dall'administraziun sco era l'execuziun da leschas, ordinaziuns, conclus e decisiuns.

² En cass urgents relai el decrets provisoris cun rapportar immediat surlunder alla suprastonza communală.

³ Il president empeila las sedutas dalla suprastonza e dalla radunanza communală. Eis el impedijs, surpren il vicepresident las funcziuns dil president.

4. La cumissiun da quen e gestiun

Art. 42 Cumposiziun e cumpetenza da decider

¹ La cumissiun da quen e gestiun secumpona da 3 commembers.

² Ella seconstituescha sezza.

Art. 43 Incumbensas

¹ La cumissiun da quen e gestiun examinescha tuttas spartas dall'administraziun communală ed igl entir menaschi finanzial dalla vischnaunca, inclusiv ils quens dils fondos e dallas fundaziuns, il preventiv ed il quen annual.

² La cumissiun da quen e gestiun sa, en entelgentscha culla suprastonza communală, incumbensar gl'inspectur cantunal da vischnauncas u in fiduziari privat cun quella examinaziun.

³ Alla cumissiun da quen e gestiun cumpeta la verificaziun da votaziuns ed elecziuns communalas excepui l'elecziun digl agen gremi.

Art. 44 Rapport da quen e gestiun

¹ La cumissiun da quen e gestiun sco era il post fiduziar consultau rapporteschan annual mein en secret per mauns dalla radunanza communală davart l'examinaziun exequida dil quen e dalla gestiun e fan proposta davart l'approbaziun dil quen annual.

² En quei rapport sa era veginir fatg ulteriuras propostas che pertuccan il quen e la gestiun dall'administraziun communală.

5. L'instanza da baghegiar

Art. 45 Survigilonza

Ggl'uorden da baghegiar vegn survigilaus dall'instanza da baghegiar.

Art. 46 Cumposiziun e cumpetenza da decider

¹ L'instanza da baghegiar secumpona da 3 commembers ed 1 suppleant. Il suppleant sa far part allas sedutas. El ha denton negin dretg da vuschar sch'il gremi ei cumplets.

² Ella seconstituescha sezza.

³ Il commember da suprastonza incumbensaus cul departament da baghegiar pren part allas sedutas cun vusch consultativa.

Art. 47 Funcziun ed incumbensa

L'instanza da baghegiar exequescha sia lavur el rom dalla lescha da baghegiar communală e cantunala.

IV. Partiziuns administrativas

A. Administraziun communal

Art. 48 Incumbensa

¹ L'administraziun communalia ei l'organisaziun d'administraziun executiva dalla visch-naunca ed ei su ttamessa directamein al president communal ed indirectamein alla suprastonza communalia.

² Ella exequescha las incumbensas surdadas ad ella entras decrets e conclus communals. Ella procura l'entira contabilitad e las ulteriuras incumbensas publicas. Ella exequescha las decisiuns e disposiziuns dalla suprastonza communalia, aschinavon che buca auters organs ni tiarzas persunas ein incumbensai, sco era tuttas lavurs surdadas dalla suprastonza communalia.

³ Organisaziun ed incumbensas dall'administraziun communalia ein definidas en in carnet da lavur.

Art. 49 Canzlist communal

Il canzlist communal diregia l'administraziun communalia. El redegia il protocol dallas sedutas dalla suprastonza communalia e dallas radunonzas da visch-naunca ed assista a quellas cun vusch consultativa.

B. Scolaziun

Art. 50 Scolaziun e formaziun

¹ La visch-naunca procura el rom dallas prescripziuns e disposiziuns legalas per la scolaziun e formaziun.

² La suprastonza sa delegar ils fatgs da scola ad in'organisaziun intercommunalia. En quei cass fa il gerau cumpetent part al cussegl da scola dalla corrispondenta organisaziun.

C. Segirtad publica

Art. 51 Polizia e cumissiun da fiug

¹ La survigilonza digl uorden da polizia inclusiv la polizia da fiug ei caussa dalla suprastonza communalia.

² La visch-naunca sa delegar ils fatgs da pumpiers e dalla polizia da fiug ad in' organisaziun intercommunalia.

Art. 52 Survetsch da lavinas

La vischnaunca organisescha il survetsch da lavinas en in'ordinaziun separada.

D. Sanitad

Art. 53 Tgira e dimora pils attempai

La vischnaunca da Medel/Lucmagn promova ina buna tgira e dimora pils attempai.

E. Beinstar social

Art. 54 Cumissiun sociala

¹ L'administraziun dil socialesser ei caussa da vischnaunca.

² La cumissiun sociala secumpona da 3 commembres.

F. Stradaless

Art. 55 Survigilonza

Il stradaless vegn survigilaus dalla suprastanza communală.

G. Economia

Art. 56 Agricultura

¹ La vischnaunca promova eifer sias cumpetenzas e pusseivladads il beinstar dall'agricultura.

² Alps e pastiras vegnan affittadas, administradas ed utilisadas entras corporaziuns.

Art. 57 Forestaless

¹ La suprastanza communală survigilescha il menaschi forestal.

² Ella liquidescha las fatschentas a norma dallas prescripziuns federalas, cantunalas e communalas.

V. Finanzas e taglia

Art. 58 Facultad communal

¹ Il recav dalla facultad communală ed autres entradas surveschan per ademplir las incumbensas della vischnaunca.

² La vischnaunca procura per ina buna administraziun da sia facultad, pil manteniment da quella e per ina buna rendita.

Art. 59 Taglias

Aschilunsch ch'il recav dalla facultad communală e las ulteriuras entradas cuvieran buca las expensas communalas sa la vischnaunca incassar taglias sin fundament d'ina lescha speciala.

Art. 60 Taxas da hospes e turissem

¹ La vischnaunca incassescha ina taxa da hospes e turissem per promover il turissem, ils indrezs ed ils arranschaments turistics.

² Gl'incasso dallas taxas vegn procurada dall'administraziun communală. La vischnaunca sa delegar quella cumpetenza ad in'uniu corrispondenta.

Art. 61 Contribuziuns da preferenza

Eregia la vischnaunca ovras ni indrezs che portan a certas persunas in avantatg special ni entrais las qualas la facultad vegn augmentada en valeta, sa ella pretender da quellas ina contribuziun commensurada als cuosts dall'ovra.

Art. 62 Taxas

¹ La vischnaunca sa pretender taxas da diever da persunas ch'utiliseschan ovras, interpresas ed indrezs ch'ella ha eregiu e meina. L'altezia dallas taxas sedrezza tenor las ordinaziuns communalas.

² Sco recumpensaziun per lavurs dall'administraziun communală ni per l'execuziun da funcziuns officialas (p.ex. concessiun da lubentschas) sa la vischnaunca pretender taxas.

³ L'altezia dallas taxas ei per regla da fixar aschia, ch'ils cuosts d'administraziun dalla vischnaunca san vegnir cuvretgs ordlunder.

VI. Corporaziun dil dretg public

Art. 63 Enteifer la vischnaunca

¹ Per guder ed administrar certas specias dalla facultad d'utilisaziun dalla vischnaunca, sco las alps communalas, san ils ligitimai alla utilisaziun fundar corporaziuns specialas cun atgna persunalitat giuridica.

² Sch'igl ei indicau sa la vischnaunca surdar gl'ereger e mantener certs cundrezs a corporaziuns specialas, sco corporaziuns da fontaunas e d'electricitad.

Art. 64 Survigilonza

¹ Las corporaziuns dil maun public stattan sut la survigilonza dalla suprastonza communală. Quella decida era davart recuors dils commembers encunter la corporazion e ses organs.

² Ils statuts dalla corporazion ston veginir approbai dalla suprastonza communală.

Art. 65 Gudiment

¹ La facultad d'utilisaziun ed ils dretgs da gudiment dalla vischnaunca astgan veginir surschai allas corporaziuns mo per diever e per l'administraziun. Els astgan denton buca veginir cedi ad ellas.

² Las entradas dalla vischnaunca ord la facultad d'utilisaziun astgan buca veginir smesadas cun surschar il diever e l'administraziun a corporaziuns.

VII. Ovra electrica

Art. 66 Ovra electrica Medel

¹ L'Ovra electrica Medel (OEM) ei in menaschi dalla vischnaunca da Medel/Lucmagn e vegn administrada independentamein da quella.

² La cumissiun administrativa dall'OEM secumpona da 3 commembers e seconstituescha sezza.

³ In commember dalla suprastonza communală fa part ex officio alla cumissiun.

⁴ L'administratiun sa era vegnir surdada ad ina tiarza persuna en mandat.

VIII. Determinaziuns finalas

Art. 67 Revisiun

La constituziun communal presenta sa vegnir revedida da tut temps parzialmein ni totalmein sin fundament d'ina proposta d'iniziativa ni sin proposta dalla radunanza communalia ni dalla suprastonza communalia.

Art. 68 Novas elecziuns

Suenter l'approbaziun da questa constituziun ein las elecziuns da tuttas autoritads communalas per la proxima perioda d'uffeci da far tenor las novas prescripziuns. La proxima perioda d'uffeci entscheiva cugl 1. da fenadur 2018.

Art. 69 Abrogaziun

¹ Questa constituziun remplazza la constituziun dils 29 da schaner 2012.

² Quei vala era per tuttas leschas, reglements, uordens e conclus da vischnaunca che ststattan en cuntradicziun culla constituziun vertenta.

Art. 70 Approbaziun e vigur

¹ Questa constituziun ei vegnida approbada entras la votaziun all'urna dils 29 d'avrel 2018.

² Ella passa en vigur cugl 1. da fenadur 2018.

Il president communal:

Peter Binz

Il canzlist communal:

Valentin Pally

Il president:

dr. iur. Mario Cavigelli

Il cancelier:

lic. iur. Daniel Spadin